



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

XI. Notabilia *quædam* in Itinere Alpino-Tyrolensi *observata per* Balthasarem Ehrhartum, *M. D. Memingensem in Epistola ad* C. Mortimerum, *R. S. Secr. missa.*

GRatissimas tibi persolvo grates, quod * marmor illud nitidissimum juxta meam tenuem sententiam non belemnitis, sed trochitis prægnans, amicissimis tuis responforiis comitari volueris. Istis vero quoque nunc tardius oppositas meas hæc non dedignaberis; cum enim ITER CURIOSUM ALPINUM TYROLENSE nuper susceperam, annotata quædam in eo facta, prius aliqualiter digesta, tecum communicare constitui.

1. Emensis pluribus Alpibus, Helveticas altitudine æquantibus, itinere quinque dierum, nulla mihi, ad hoc unum obtento, occurrisset marina petrefacta, vel conchitas vel nautilitas; Woodwardi hypothesin in plurimis falsi arguit. An non & maris tractus æque spatiosi dantur incolis vel animalibus marinis plane vacui, ob venas metalliferas, bituminosas, vitriolicas, ibi uberius in mare hiantes? Ex quo fundamento remedium proceribus Belgiarum, contra Xylophagum aut marinam teredinem propalare ante biennium, scripto copioso, sustinebam. Sed decrat mihi patronus, cui id commendarem.

2. Pro sermonibus illis ex sacra cathedra, instituto apud vos Boyleano, ad convincendos atheos faciendis, non infimum providentiæ divinæ argumentum largiuntur Alpium discrepantes qualitates. In toto itinere

* *Marmoris* sc. Darbientis *frustum ab Illustrissimo D^{no} Hans Sloane dono missum.*

unicum vidi montem, *Heuberg*, i. e. fœniferum dictum, prope pagum *Pichelbach*, via publica; qui, mirabile dictu, non in summo tantum, sed per omnia latera ad intimam usque basin, fœnifecium tam largum præbet, ut pluribus adjacentibus villis, fœno æstate collecto, pro pecoribus per hyemem eo pascendis, inserviat. Deprehendi mechanismum, partim humi alentis spissioris eum tegentis, partim subjacentium huic luti margæque venarum, uberrimam laticis fontani copiam, per omnem montis ambitum, subtilissime exsudantium, eo continuo pororum nexu, quo siphon inflexus, facta a vicinis altioribus montibus derivatione, imitatur. Novimus enim stratis luti argillæque subterraneis, DEUM, conditis naturæ legibus, sub terra in ducendis sursum deorsumque aquis, id præstare, quod homines canalibus ligneis plumbeisque satagunt. Addo his rationibus & illam, quod in isto monte minor vaporum metallicorum, vegetabilium aliàs radicibus obnoxiorum, profert copia. Attamen, his quoque concessis, nullam video rationem, quod inter centenos alios montes, retro citroque nullus detur, qui huic mira fertilitate comparetur. Ubi ergo hic necessitas physica absoluta? Plane nulla. Sed specimen est liberæ voluntatis divinæ, ejusque providentiæ.

3. Directionem stratorum faxeorum aliis in montibus, nimium sæpe, ut dixi, ob cautium sterilius copiam Libyæ desertis comparandis, sæpe considerans, miram observavi stratorum, ex parallelo, obliquo, perpendiculari, perque omnes angulos variationem. Mirum, juxta Woodwardum, strata omnia post diluvium exacte ad centrum terræ circularia, vel parallela fuisse; hodie vero rarissimum dari adhuc stratum, a diluvianis illis recens formatis residuum, cujus
purus

purus parallelismus saltem per exiguam terræ lineam, vel ad spatium unius horæ repertus fuerit. Novi quam diversa ab isto expertus fueram, dum hujus præcipue studii gratia Germaniam ante decennium cruciatim, Tiguro Hamburgum, & Dresda Amstelodamum usque peragrabam, jactis prius hic necessariis physices fundamentis, & perlectis numerosis auctoribus oryctographis. Interea ex phænomenis illis nuperi itineris Alpini vidi perspicue, varietatem illam stratorum saxeorum, quibus Alpes componuntur, iterum benignitatis & providentiæ divinæ documentum esse irrefragabile; cum si horizontalia essent montium strata, eorum ruina quotidiana esset, summo incolarum & peregrinantium damno. Contra vero tam mire varianti positu stratorum, eoque maxime ex *lineis quasi vergentibus* conflato, montes nunc studio æternitati structos, sole clarius apparere.

4. Demonstrari posse differentiam stratorum ejusmodi mundo creato coævorum, aliorumque postdiluvianorum, nullus dubito. Hic Memingæ montes habemus, plusquam media summarum montium altitudine gaudentes, qui in summo quoque cacumine strata vastissima habent ex lapidibus meris palmaris circa, sed variantis magnitudinis, cæterum rotundatis; illorum plane instar in modum, qui a fluviorum cursu & attritu sic formantur, & in Peireskii vita, errore Gassendi, ex muco, nescio quo, fluviatili concrefcere demum, lepida fabula, narrantur. Jam pro demonstrato habemus lapidum illorum omnium vastissimam congeriem quasi supramontanam, cum fluviolus nullus ibi pertingat, ab aquarum torrenti formari haud potuisse. Multo minus formationis illius medium, quem in Acad. Reg. Paris. Commentariis

tariis Dⁿ. *de Reaumur* ingeniose protulit, hic locum habere posse. Accedit enim alterum a me detectum phænomenon, quòd a Meminga versus Alpes lapides istos diametro crescentes deprehenduntur, sic ut tandem massas vel truncos triquadripedales æmulentur; sed a Meminga versus plagam oppositam, & ab Alpibus remotiorem, decrescit magnitudo istorum lapidum, successive semper minorum, usque dum denique ad arenæ grossioris speciem recedant. Hanc insignem pro telluris theoria observationem augeo sequentibus partim observatis, partim corollariis.

Integra observavi inter Tyrolenses Alpes montium juga, quæ in *continua* rupe eo præcise gaudent lapidum genere, quo ultimo dicti illi inter Alpes & Danubium siti montes gaudent in *discretis, detritisque* lapidibus.

Lapidum istorum tot varietates sunt, quot rupium illarum Alpinarum.

Causa quæ rupes Alpinas fregit, & fragmentis inde, raptu undarum mutuo attritu rotundatis, totam meam, quam inhabito, Alemanniam, inundavit, nulla alia quam diluvium maximum, dubito tamen an Noachicum, esse poterit.

Talis diluvii undæ, in eodem tractu, viginti leucarum longitudine, nec minori latitudine, tum temporis, eadem directione ab austro ad septentrionem dirigebantur.

Tum attritu undarum vorticumque ex confractis Alpibus, ante diluvium duplo altioribus, orta fragmenta, quo magis provolvebantur, eo magis comminuta sunt. Unde loca Alpibus vicina majoribus frustis premuntur; ab iis vero remotiora, minoribus, imo fere in grossioris arenæ formam comminutis gaudent.

Ex.

Exactissima similitudo istorum quovismodo comminutorum lapidum; & rupium Alpinarum maximarum, ceu ex ruina superstitum, illorumque patriam repræsentantium; oculariter demonstrari potest.

Inter illa tamen notabilissima frustra, quibus integra Sueviæ superioris provincia inundata est, hæctenus nulla vidi ex vena metallifera conflata, prout inter Alpes integri montes largius metalliferi dantur. Ergo ante diluvium aut venæ metalliferæ superjectis montium molibus tectæ erant, aut in frustis illis exspirârunt ramenta metallifera. Metallicolæ ista *exspirare, Verwittern*, vocant, quod explicatu facile erit suo loco. Unde tot inter illos lapides Alemannicos occurrunt, favaginis instar foraminati ubique & exesi.

5. Plantas inter rariores, Alpinas, in itinere isto, mensis Septembris initio, occurrerunt :

Acetosa lanceolata, Alpina, rotundifolia. N. Acini pulchra species. J. B. 3. 260. Cacalia tomentosa. C. B. 198. Cardamine Alpina. Clus. Pannon. Caryophyllata Alpina chamædryos folio. Boerh. 45. Cotoneaster. J. B. 1. 73. Cratægus folio subrotundo ferrato, subtus incano. Tourn. 633. Daucus montanus multifido longoque folio. C. B. Diospyros. J. B. 1. 75. 1. Myrtomelis Gesneri. Doria quæ Jacobæa Alpina. C. B. Pr. 66. Erica arborescens, floribus luteolis vel herbaceis. J. B. 3. 356. Horminum luteum glutinosum. C. B. 238. Larix folio deciduo conifera. J. B. Chamærhododendros Alpina villosa. T. 604. Quinquefolium album 1. Clus. J. B. 2. 398. Pinastr Alpinus pumilio. Clus. Pannon. Sedum minus flore luteo. J. B. 694. Siler montanum minus. Boerh. 52. Vitis Idæa foliis oblongis albicantibus.

C. B. 470. Gallium saxatile supinum, molliore folio.
A. R. P. 1714.

6. De fodinis salis Halæ Tyrolensium a me per-
lustratis pauca hic refero. Dum quilibet inter Alpes
mons mundum integrum repræsentet, suumque
clima torridum, temperatum, & frigidum habeat;
illa jugi montani pars, quæ salis fodinas continet,
austro exposita est summopere, solibus æstivis in plu-
ribus lateribus torretur, mea sententia magis, quam
terræ lineæ æquinoctiali subjacentes.

Concomitatus, vel nexus, ac συζυγία fossilium, phæ-
nomenum est hætenus parum notum, sed singulare,
ac nullibi negligendum. Halæ Saxonum salinas co-
mitantur grysei lapides argillofi, molliores; desuper
strata jacent lapidis rubescentis marmorei nonnihil,
cui glomeres quasi spathi aut seleniticæ materiæ
innascuntur. Non procul a salinis, copia bituminosi
fossilis aut carbolithi præsto est. Sic & Halæ Tyrolen-
sium tum magna voluptate similem plane fossilium
concomitatum observavi, differentia nulla inter illas
atque has, quam quod ibi ab ipsa natura, hic artis
ope, aqua sale fossili saturetur. Salis enim vena vel
fossile sal hic obveniens cœnosum, cameris subter-
raneis eum in finem excavatis elutriatur, & ex muria
hoc modo parata sal coquitur. Mirabile dictu cœ-
lum cameras ejusmodi tegens, lapideum esse, pavi-
mentum vero argillaceum. At ejusmodi structura
plurimæ Alpes gaudent quibusdam partibus, ut iterum
potentiæ divinæ ab humana architectura diversissimæ
documenta largiantur. Sed falsa est Becheri relatio,
spoliatas sale fossili per aquæ admissionem cameras
subterraneas vel cuniculos, subinde dein renato sale
iterum repleri. Hoc vero primus ego detexi, ex limo
illo nigro, sale fossili interjacenti per elutriationem
pri-

privato, efflorescere dein nitidissimis ubique aculeis sal amarum Epsoniensi ex asse simile, ut Tyrolenses, si vellent, ejus maximam quantitatem parare, ac reliquæ Germaniæ id in locum Anglici salis surrogare possint. An tamen alicubi sub terra sal fossile adhuc generetur per modum vaporum, nondum rescire potui: Ipsi tamen fossiores de suffocantibus subterraneis halitibus nil sciunt, quos in Saxoniæ metallifodinis notissimos habent, & *Schwaden* vocant.

Unicum addo, de dialecto linguæ Alemanicæ vel superioris Sueviæ; eam tot diphthongis, talibus pronunciandi modis, & vocibus plane similibus gaudere; ut qua literam, Anglicæ, præcipue Wallicæ linguæ, simillima sit illa, simulque omnium maximum documentum præbeat, Suevos & Anglos antiquissimis temporibus unam eandemque fuisse nationem. Quod ex historiis ob vetustatem probare difficile, ex isto vero argumento facillimum erit. Cujus tamen explanationem alii tempori reservo.

Nunc jam nimiam epistolæ prolixitatem, vir eruditissime, deprecor. Nolui saltem, tuo jussu excitatus, qualibuscunque meis indiciis Regiæ apud vos societati levidenses In H. N. conatus meos designando deesse. Tuæ vero dominationi, propter veteris amicitiae documenta, obstrictissimus manebo. Vale & fave; quamque primum negotia permiserint, rescribe. Datum Memingæ, die 10 Maii 1735.

L O N D O N :

Printed for T. WOODWARD, and C. DAVIS, over-
against *Gray's-Inn-Gate* in *Holbourn*; PRINTERS
to the ROYAL SOCIETY.
